

علوم اجتماعیه مجموعه گار

هر آیک برنجی کونی نشر اولتور

مؤسساری

احمد شعیب ، رضوانوفیور ، محمد جبارید

مندرجات

علوم اجتماعیه: بدیع نوری. — ۱۳۲۷ سنه-بی اسباب
موجبه لایحه سی مایعد وختام: محمد جاوید. — تحولات
فکریه: بدیع نوری. — آوروپا مراکز مدنیه-سنده اجرا
ایدیل تدقیقات نتایجی مبین دیوان محاسبانه تقدیم اولونان
راپورلر: حسن نجین.

مدیر و صاحب امتیازی:

محمد جبارید

نسخه سی: ۱۰ غروش

استانبول

امور اداره و تحریریه: طنین مطبعه سی.

۱۳۲۷

قوانین مالیه

و

تزییم واردات

۳۲۵ — ۳۲۶ دوره اجتماعیه سنك نهایترینه دوعرو مجلس عالی لرنجه قبول وتصدیق اولنان مسققات قانونك صورت تطبیقة تعیین ایتك اوزره مفصل برنظامنامه ترتیب اولنه رق شورای دولته بعهده بعدالتدقیق اراده سنیهیه اقتران ایله مشدر .

بونك اوزرینه ایلك تجربه اولمق اوزره اوچر كیشیدن مركب درت قومیسون تشكیل اولنوب آطهر و ماقری كوی قضاالرنك تحریر مسققاتنه مأمور قیلنمشدر . یالکز ایکی قضادن باشلامسی برطرفدن مأمور تداركنده کی مشكلاتدن ، دیگر طرفدن قانونك همان كافه احكام وموادى حقنده بوقضالره بر تجربه حاصل ایدیه یله جكندن وبرده ایشه باشلایان مأمورنی بویه محدود برداره داخلنده باشلاته رق اعتیاد حاصل ایتدیرمك فكرندن منبشدر . اجرا ایتدیریلن تفتیشات قومیسونلرك مساعیسی حقنده فوق العاده امنیت بخش وامید آوردر . بو قومیسونلر ایضای وظیفه ایدنجه اعضادن هر برینك ریاستی آلتنده یکی قومیسونلر تشكیل ایدیه لك استانبولك كافه دوائرینك تحریرینه باشلانه جنی کی كه جك سنه مالیه ابتداسنده سلانیك ، بیروت ، ازمیر ، شام و بلدكه بغداد ولایتلرینك ده تماماً و یاقسماً تحریرینه ابتدار اولنه جقدر .

بومعامله نك درت سنه ظرفنده اكلانه فوق العاده جهد و اهتمام ایدیه جك

واکړ بومدت ظرفنده اکمال ایدیله بیلیرسه - وسعتلری واحوال
عمومیهلری بزم ملکمزك وسعت واحوالیه قابل مقایسه اولیان ممالک
سأړهده صرف ایدیلن زمانه نظراً - بویوک بر موفقیت عدد اولنق اقتضا
ایده جکدر .

قانونك تطبیقاتنده بعض مشکلاته تصادف ایدیله جك دکلدر . فقط
مقتدر مأمورلر بولنه جق اولورسه - کندیلیرینه هر درلو سوء استعمالدن
منع ایده جك مقدارده معاش ویرلمی حسیلله - بومشکلات اقتحام
اولنه بیله جکدر .

قومیسونلرک معیترینه ویریلن کاتبلر ایچون مالیه نظارتی داخلنده
کشاد ایدلش اولان مالیه مکتبدن استفاده ایدیلکه باشلانیدنی کی
بومکتبدن شهادتنامه آله جق اولانلر طشره لرده مخن دیه قولانیهله -
بیله جکلدر .

قانونك تطبیقاتندن تقدأ نه نتیجه حاصل اوله جقنی شیمیدن صورت
قطعیهده تعین ایتك ممکن دکلدر . بودجه مذاکرانه باشلانیه جق
زمانه قدر ایکی قضانك نتایج تقریبیه سی الده ایدیله جك اولورسه قومیسونه
یاخود مجلسه عرض اولنه جقدر .



تمتع ویرکوسی . — ملکتمزده تطبیق اک مشکل ، قانونی اک فنا ،
مطرحی اک عدالتسر اوله رق معین برویرکی وارسه اوده شبهه یوقدرکه
تمتع ویرکیسیدر . اساساً مکلفینک تمتعایله هیچ متناسب اولمایوب چوق
قازانانلری آز ، آز قازانانلری چوق مکلف قیلان بوویرکینک یالکز
یرلی اصحاب صنعت حقنده تطبیق ایدیلوب اجانبه تشحیل اولونامامسی
حکومتی اک مهم بر منبع واردادن محروم قیلیمقدهدر . اول و آخر
سویله ندیکی اوزره اجنبیلرک تمتع ویرکیسنی تأدیه ایتمه لری هیچ براساس
حق وعدالتله استناد ایده مز . بوحقیقت آرتیق هر طرفه تسلیم وتصدیق

ایدلنکده اولدیغندن اجانبك تتمع ویرکیسنه اشتراکنی تأمین خصوصنده اساساً زمین قسمماً احضار ایدلمش اولدیغندن - وقوع بوله جق مراجعت رسمیه نك قرین قبول اوله جغنی ظن ایده بیلیرز. هر حاله مالیه نظارتجه بیک بر تتمع قانونی احضارینه کمال کرمی ایله چالیشیلماقده اولدیغندن بونک یاقینده مجلسه تقدیم ایدیه جکدر .

بو قانونک تطبیق اتسده خزینه یه لافل بر میلیون لیرا واردات تأمین اولانه بیله جکدر .



طرق ومعار مکلفیت تقریر سی. — طرق ومعار مکلفیتی ۳۳۶ بودجه سی قانونیه مکلفیت تقدیه یه تحویل ایدلمش اوصورتله تطبیق اتسده باشلامشدر . بو تطبیق اتدن استحصال اولسان نتیجه حقنده هنوز برشی سوبيله مك قابل دکلدر .

فقط هر حاله بقایانك مکلفیت بدنیه زماننده کنه نسبتله نقصان اولماسی مأمولدر .

طرق ومعار مکلفیتی ده مکلفینك اقداریله، ایرادیله بونلردن ایتدکلی استناده ایله قطعاً متناسب اولیان بر ویرکی، عادتاً بر شخص ویرکیسیدر. بو ویرکینك عادل ونسی بر شکه افراغی کچن سنه انجمنکز طرفدن تمی اولونمشدی. حکومتجه ده بوکا چالیشلمشدر. بوباده کی لایحه قانونیه نك ده قریباً تقدیمی ممکن اوله جقدر. بو کون کرک طرق عمومیه کرک طرق خصوصیه انشا ایدلنکده اولدیغندن، و بونلرک انشا آتسده دها زیاده کرمی ده ویریه بیله جکنندن اهالینك بو باده کی مکلفیتی رأى العین کوره جکی استفاده لر اعتباریه کمال ممنونیتله ایفا ایده بیله جکنده شبهه یوقدر. بو قانونک تطبیقندن ده بر قاچ یوز بیک لیرا راده سنده بر منفعت سنویه استحصالی مأمولدر که تفصیلاتی اسباب موجهه سنده کوستریله جکدر .



اغنام — اغنام رسمنك تنزیلی و یا خود قانونك تعدیلی حقنده چکن سنه مجلس عالیلرنده پك چوق مناقشات جریان ایتش حتی دیه بیلیرم که مناقشات اك زیاده بو خصوصده کسب حرارت ایله مشدر. اغنام قانونك تعدیلاتیه اشتغال ایدیلکده و بو تعدیلاتنده مکلفینه فضلّه منفعت و سهولت اراهه سی جهتی التزام اولونمقده در . یکی قانون لایحه سی اسباب موجب سی و تقرعاتیه بو سنه مجلس عالیلرینه تقدیم قیلنه جق ایسه ده شیمیدین سویله بیلیرم که مع التأسف رسوم موجوده دن تنزیلات اجراسنه امکان بولونامشدر .

مملکتیمزک حال حاضرنده هر کون یکی بر منبع واردات بولمق محبوریت قطعیه سی حس ایتدی کمز و بو منابع جدیدّه وارداتک حاصلاتیه بیلّه احتیاجاتمزی تماماً استیفا ایله بیلیمکده دوچار مشکلات اولدیمز بر صیراده تنزیل تکالیف جهته کیتمک پك احتیاطسزجه بر حرکت اولور . فی الحقیقه بر سرمایه اولان اغنام اوزرندن تنزیل ایدیله جک مکلفیت مملکتیمزده اغنامک ترایدینه بناء علیه موجود سرمایه لرك آرتماسنه خادم اوله رق بو کون ویرکینک حاصلات سنویه سندن وقوع بوله جق ضیاعک بر قاچ سنه صکره مع زیاده تلافی اولونه بیلیمه سی ممکن ایسه ده بزم ایچون اك اغیر واک مشکل سنه لر آتیده کی سنه لر دکل سنین حالیه اولمق حسیله بو کون اغنام کبی اك منتظم ، اك متزاید و تحصیلی اك سریع و سهیل بر ویرکیمزده بو خاصه لری دیکشدره بیله جک درجه ده تعدیلات اجرایی اداره مالیه جه قطعاً تجویز ایدیله مز .

آرناودلق ، عراق جهتلرنده کی اصلاحاتک بو ویرکی اوزرنده پك محسوس بر تأثیری وقوع بوله جق و بدایت طرخندن بری بالغ اولامادینی بر مقدار تحقیقات و تحصیلاتی بو سنه بولان بورسمدن ده پك زیاده استفاده ایدیله بیله جکدر .

کمرکار - مشروطیتدن بری اڤک منتظم بر تراید ابراز ایدن منابع وارداتمزدن بری ده هیچ شبهه سزکه کمرکاردر ۳۲۵ سنه سنه امید ایدیله یین درجه ده وقوع بولان تراید ۳۲۶ سنه سنه ده مهم بر نسبتده دوام ایله مشدر . بو ترایده مملکتک فعالیت تجاریه سنک تأثیری یوق دکلسه ده کمرکارده کی انتظامک ، فضله اعتنائک ، حسن اداره نک ده قابل انکار دکلدرکه پک بویوک تأثیری واردر .

بو وارداتی تزیدد ایچون طبیعی کمرکاره ، تجاره فضله تسهیلات ارائه سی کمرک بنالرینک توسیعی ، مأمورلرینک بر مرتبه ده ترفیهی اقتضا ایدرکه بونلرده یواش یواش بودجه مزک مساعدده سی نسبتده یاییله جق شیلدر . کمرکاره ٪ ۴ ضم مسئله سنه کلاجه ایکی سنه دن بری انتظار اولنان بو نتیجه هنوز الده ایدیله مه مشدر .

بو کون اوروپا دولترینک اکثرینی بودجه لرینک محتاج اولدینی پاره یی بالواسطه ویرکیلرل استیفا ایله مکده درلر . هر هانکی مملکتک بالواسطه تکالیفی تحدید و تقید ایدیله جک اولورسه بودجه لری توازن ایتدیره بیلیمک امکانی قالماز . هر مملکتک کال سربستی ایله ویا لیکز کنندی قوه نشریعه سنک مساعدده سیله مراجعت ایدیه یلیدیکی بو واسطه یه بز مع التأسف توسل ایله مکدن محروم بولونویورز . اللرمزی قوللرمزی باغلايان ایپلر بز یورو مکدن منع ایدیور بر طرفدن ترقی ایتک ایسته یورز . فقط بو ترقینک وسائطی وآلات وعناصری المزده دکل . یورویه میورز . او عناصری الده ایتک ایچون چالیشیورز . قولایلقله ایدیه میورز . الده ایدنجیه قدر ترقیدن قالماق ایچون بر واسطه فوق العاده اولان استقراضه مراجعت ایتمکده مضطر قالییورز . بوتون بو مشکلات بزه ماضینک میراثیدر وپک آغیر بر میراثیدر .

بر طرفدن کمرک رسملرینک تزیدی دول اجنبیه نک موافقتنه معلق اولسی ، دیگر طرفدن کمرک رسمنه وقوع بوله جق ضائم مستقبه نک

دیون عمومی و واردات مخصصات فضله‌لرینه داخل اولمسی حسیله سنوی بودجه‌مزه مملکته آغیر برابر تحمیل ایله مکسزین اضمایم ایده‌بیله‌جک بر بوجوق میلیون لیرادن محروم قالیپورز .

حکومت تمتع ویرکیسیله برابر کمرک رسمی ایچوندده تثبیت رسمیده بولونه‌جق ، بو تثبیت حسن نتیجه‌یه اقتران ایدرسه اعلا ؛ ایده‌مدیکی تقدیرده‌ده آرتیق مسئله‌یی سورونجه‌ده بیراقتدن بر فائده استحصال اولونه‌میه‌جقندن بوس بوتون صرف نظر اولمقی اقتضا ایده‌جکدر .

کمرک ضمنی تعویق ایدن اک مهم سبب بو رسم منضمک بغداد شمندوفر مسئله‌سیله علاقه‌سیدر .

بغداد شمندوفری مقاوله منضمی موجبجه کمرک رسمینه وقوع بوله‌جق ضامم مذکور شمندوفرک انشاسی قارشیلینی اوله‌رق مخصص بولندیقندن بو شمندوفره علاقه‌لری اولمان دول معظمه حکومت عثمانیه‌نک صرف احتیاجات مالیه‌سنی استیفا‌ایتمک مقصدیه موافقت ایده‌جککری ضاممک بغداد شمندوفرینه تخصیصنه موافقت ایتیه‌جککری بیان ایتیش اولدقلری جهته‌له هر ایکی طرفی تألیف ایده‌بیله‌جک برچاره حل آرامق ایجاب ایدیور و بوندن دولایی مسئله‌جکیکیوردی .

بغداد شمندوفرینک قونیه ارکلیسندن بغدادده قدر اولان طولی ۱۵۰۰ کیلو مترودر . بو ۱۵۰۰ کیلو مترو ایچون هر ۲۰۰ کیلومتر و سنه ۱۰۰ بیک لیرا حسابیله ۷۵۰ بیک لیرایه احتیاج واردر . دیون عمومی و واردات مخصصه فضله‌لری بو کون ۴۷۰ بیک لیرا یعنی خطک حالیقندن هان ۲۰۰ کیلو مترو ایلری‌یه قدر اولان قسمک انشاسی ایچون کفایت ایدیور . بغداده کیتمک ایچون ۲۵۰ بیک لیرالقی سنوی قارشیلای بولمق لازم کلیورسه‌ده انشا‌آته بوکون ابتدار ایده‌بیله‌جک اولسه بغدادده قدر کیتمک ایچون بش‌سنه ایجاب ایده‌جککندن و بوش‌سنه ظرفنده ایسه واردات مخصصه فضله‌لرنده ۲۵۰ بیک لیرا

زاده‌سینده دكلسده هر حالده لا اقل بونك نصفی قدر برتراید وقوع بوله‌جغندن بغداد شمندوفر قومانیه‌سی بو حقی بوس بوتون ترك ایتمه‌كه هیچ برشی غائب ایتش اولمایه‌جق یالکز حكومت عثمانیه‌ك ترقیات مالیه‌سنه جدی بر صورتده خدمت ایتش اوله‌جقدر . اوزمانده دول معظمه‌جه كمرك رسمه ضمايم اجراسنه‌ممانقی موجب بر حال قالمایه‌جغندن بودجه آچیمزك تنزیلی کی بر امر مهمه معطوف اوله‌جق اولان بواستلا فك حصوله كله‌سیله امید ایدرزكه سرد ایدیله‌جك براعتراض قالمیه‌جقدر . اوروپا دولتلری بوسورتده موازنت مالیه‌مرك حصوله كله‌سنه واسطه اوله‌رق تركیا ایچون كوستردكاری نیت صمیمیه‌نی فعلاً اظهار ایله‌مش اوله‌جقار .



تمغا رسمی — مملكتتمرك وسسته ، عظیم بر فعالیت اقتصادی‌من اولماقله برابر ینه تمغایه تابع معاملاتك كثرته نظراً شمديكندن لا اقل بر مثلی فضله حاصلات ویرمك ایچون ایجاب ایدن تمغا رسمی معامله نفتیشیه‌ك تام و مكمل بر صورتده اجرا ایدیله‌می ، اجانب حقنده بوتفتیشك مفقود اوله‌می ، بالخاصه دوائر دولته هنوز جدی وقطعی صورتده یا بیلامامسی ویركینك تراید حاصلاتنه مانع اولمقده‌در .

قانونكده اهالی حقنده سهولت بخش بر قانون اولدینی بالعكس تطبیق ضایت مشكل بر طاقم قیود و مراسمی محتوی اولدینی اونودولماق اقتضا ایدر .

برسنه‌دن بری مالیه نظارتنده اجتماع ایله‌مكده اولان قومیسینون یوبابده‌کی تدقیقاتی اكمال ایدره‌رك قانون لایحه‌سنی ترتیب ایتشدر . بولایحه دیون عمومییه مجلس اداره‌سنجه‌ده قبول اولندقدن صكره مجلسك بودوره اجتماعیه‌سنده یتشدر یلك . چالیشیه‌جقدر .



انحصار لرده . — کمرکاره ضم خصوصنده کی موانعه مع التأسف انحصار لردهده معروض بولئورز. بولرده بوکون ممالک متمدنه نك هپستده اقتصادی محذورلرندن صرف نظر — خزینه ایچون بر منبع واردات تشکیل ایله مکده ایکن بزم استحصال ایستدیکمز منافع غایت جزیدر. یکی تأسیس ایله مک ایستدیکمز پترول انحصارندن سنوی خزینه یه ۸۰۰ بیکن بر میلیون لیرایه قدر واردات استحصال ایله مک ممکندر . حال بوکه بوده دول معظمه نك موافقته وابسته بر کیفیت کی سنوی وارداتی برایکی یوزبیک لیرایی کچه یه جک بناء علیه وضعی زحمتنه دکمه یه جک انحصارلرندن صرف نظر ایتمک لازم . مسکرات انحصاری بزم ایچون چوق دوشونوله جک ودیون عمومییه ایله اتلافی ایجاب ایده جک بر کیفیتدر . کیریده حقیقه خزینه ایچون منفعت بخش ، تطبیقاتی و شمدياک داخلده استحصال اولنماسی حسیله سهل بر انحصار وارسه اوده پترولدر .

برده المзде موجود توتون انحصاری واردرکه اوندن حد اعظمی استفاده سنی تأمین ایله مک چالیشمق لازمدر .

توتون

۳۳۶ سنه سی اسباب موجب لایحه سنده « توتون مسئله سیله صورت جدیدده اشتغاله باشلانہ جق زمان حاول ایتشددر . دیون عمومییه مجلس اداره سی حکومتی بو باده کی نقطه نظری بیانه دعوت ایله مشدر . بو دعوت ویریلن جواب کرک دیون عمومییه جه کرک حکومتجه تدقیقات و تبعات لازمه نك اجراسنه مباشرت اولتمسندن عبارت اولمش یعنی اساس حقنده هنوز قطعی بر فکر در میان ایدیله مشدر . مملکت مزك حیات زراعیه ، تجاریه و مالیه و سیاسی سی اعتبار ایله اهمیت عظیمه یی حائر اولان واجبی

حامله لك حقوقى تعلق ايتك اعتبار ياده موقعى دها زياده كسب تراكت
و مشكلات ايدهن توتون حقنده اتخاذ ايده جكمز قرارك رعایت احتياطكارانه
و متبصرانه اولمى لازم كليز . »

انجمنكز كچن سنه كى راپورنده بو مسئله حقنده اوزون اوزادى يه
بيان مطالعه ايتش و حكومتى تمجیل حرکته دعوات ايله برابر كنديسك
بو باده كى تيمنى نه دن عبارت اولديغى بيلدیرمشدی .

ديون عموميه مجلس اداره سى ، باندرول اصولى اختيار و التزام ايدهن بو
راپور اوزرينه نظارته برتد كره يازهرق كندينك بالعكس انحصار فكرنده
بولنديغى و فقط شمديكى انحصار اصولنده كرك خزينه دولته عائد وارداتى
ترسيد ، و كرك قاچاقچيانى منع ، كرك تحديد زراعت كرك تفتيش حكومت
مسائل و موادى حقنده هر درلوا اصلاحات و تعديلات اجرا ايديله بيله جكنى
خلاصه مطلوب اولان نتايج و ثمراتك باندرول اصوليله دكل اصلاح
ايدلمش بر انحصار اصوليله الده ايديله بيله جكنى بيان ايله مشدى . اشبو
تد كره يه ذيلاً كوندرديكى بر نوطه دهده باندرول و انحصار اصوللرينى مقايسه
ايدهرك هان هر نقطه نظر دن انحصار اصولك خزينه نك و ديون عموميه نك
زراعتك و اهالى نك ده منافعه موافق اولديغى و مملكت ايچون بوندن دها
نافع بر اصول متصور اولمادينى نتيجه سنى استحصال ايله مشدر .

كورولويوركه ايكي نقطه نظر بر برينه كلياً ضد و متبايندر . بو مسئله
حقنده حكومتجه بر قرار اتخاذ ايديلزدن اول علاقه دارانك افكارى
استمزاج ايدليك موافق كورلمشدر . توتون يتشد پرهن محللر اهاليسندن
— زراعت و تجارتدن — مرخصار جلب ايديلمش و بومسئله لرله اشتغال ايدهن
بعض ذوات ده علاوه اولته رق مالىه نظارتنده بر قوميسيون تشكيل
اولشمشدر . بو قوميسيونك نتيجه تدقيقاتى محتوى بر راپور مجلس عاليه رينه
تقديم قيلنه جنى كى توتون حقنده حكومتجه ناصيل بر تدبيره توسل

اولمق اقتضا ایدہ جکئی مین لایحہ قانونیہ دہ بو دورہ اجتماعیہ دہ مطلقا مجلس عالیترینہ تودیع ایدیلہ جکدر .

مصارف و واردات آراسندہ کی فرق

۱۳۲۷ سنہ سی ایچون طلب اولونان شخصیات ۶۳۲ ۷۴۴ ۳۵۰۰
اولوب مذکور سنہ ک واردات شخصہ سی ایسہ ۸۱۵ ۲۹۷ ۸۶۱
اولدیندن آرادہ کی فرق اولان ۸۱۷ ۴۴۶ ۶۳۹ غروش عادی بودجہ مزک
آچیغی تشکیل ایلمکدہ در . بونک بر قسمک بر مقتاد صرف ایدیلہ رک
۱۳۲۷ سنہ سی نہایتندہ ابطال ایدیلہ سی پک ممکن اولدینگی کبی یوقازیدہ
عرض ایتدیکم اوزره انجمنکزلہ حکومتکزلہ مشترکا اجرا ایلمہ جکی
تدقیقات نتیجہ سندہ یکی اقتصاد وسائلی بولونمایہ جق دکادر . فقط بومساعی
مشترکہ بودجہ نک آچیغی نہایہ النہایہ بش میلیون لیرایہ ایندیرہ بیلیر .

خدمات عمومیہ مزہ برایکی سنہ ایچون هیچ بر یکی وسعت ویرمہ مک
اساسی قبول ایتدیکمز تقدیردہ بومدت طرفندہ بش میلیون لیرا آچیغی
یکی واردات ایلمہ قایمقی اقتضا ایدرکہ اعتقادجہ ، بووارداتی بولمق متعسر
برشی دکادر .

کمرک ضامنندن	۱ ۲۵۰ ۰۰۰ لیرا
توتون	۱ ۰۰۰ ۰۰۰ لیرا
تمتع رسمندن	۱ ۰۰۰ ۰۰۰ لیرا
پترول انحصارندن	۱ ۰۰۰ ۰۰۰ لیرا
طریق مکلفیتندن	۲۵۰ ۰۰۰ لیرا
تمغا ، فراغ و انتقال رسملندن	۵۰۰ ۰۰۰ لیرا

اگر بزم دہ بو نقطہ نظاردن دول سائرہ دن بر فرقمن اولمامش

اولسه یدی همان بوکون متوازن بر بودجه یی مجلس عالی رینه تقدیم ایتمک .
پک ممکن اولوردی .

عثمانلی دولتی کی بر حکومت کیمسه ادعا ایده مزکه ۳۰ میلیون لیرالقی
بر بودجه ایله اداره ایدیه بیلیر . بناء علیه مصرفی اودرجه یه ایندیرمک
ممکن دکادر . یکی منابع ایراد بولمالی یز . بو کوستر دیکم منابع ایسه
نظارته کچدیکم کون سویله دکلمردن فرقی دکادر . یعنی بو نقطه نظر دن
هیچ بر صورتله تبدیل فکر ایتمش دگلم .

برده شوراسنی نظر دقه آمالیز که بوکون هپ امکله مشغولز .
بونلری یچه جکمز زمانلر اوچ درت سنه صوکر ا حلول ایده جکدر .
بیکلرجه کیلو مترو یول ، اوتده بریده شمدوفر ، اروا واسقا عملیاتی
یادیر پیورز . بونلر ایچون میلیونلر صرف ایندیلور . تأثیراتی هپ آتیده
کوروله جکدر . و بش اون سنه صکره - بوسنه اولدینی کی - مثلاً
سیواس ولایتده سنه سابقه نك اوچ مثلی محصول وارکن اعشار ۸۰ بیک لیرا
نقصان طومایه جقدر ؛ بوسایده اورمانلر مزک حاصلاتی آرته جقدر . مملکتده
تأسس ایده جک اعتبار املاک و اراضی بانقهلری بونلرک قیمتلری ایراد لیری
وبناء علیه خزیننه نك حاصلات سنویه سنی ترید ایده جکدر . بوتون
مملکتلرک کچدکبری طریق تکاملدن بزده کچه جکمز . بونک ایچون دائماً
اولدینی کی نیک بینم . یالکز وطنه شو مشکل بر ایکی سنه یی آتلاق
واول و آخر سویل دیکم کی چیلقلردن ، استطاعت مزک فوقنده خیالی
آجرات و تشبثاتدن فراغت ایتمک لازمدر . دوشونملی یز که برشیئی وقتندن
اول ایسته مک اوندن محرومی انتاج ایده بیلیر .

۱۳۲۴ - ۱۳۲۵ - ۱۳۲۶ سنه لرنده عقد ایتدیکمز استقرضاته

۱۳۲۷ استقرضاتی ده علاوه ایده جکمز . فقط بوندن صوکر ا تا بر بونلرک
تحکم استقراضی یا نجیه قدر آرتق بو قاینک قاپانماسی اقتضا ایدر و ۱۳۲۸
سنه سی ایچون بودجه مزده یالکمز بون دوتره زور لرله قاپانایله جک بر

ر بوجوق میلیون لیرالق بر آچیغه مساع ویریه بیلیر . بوندن دولایی
 ۱۳۲۷ بودجه سنده ۱۳۲۸ سنه سنه تحمیل بار ایده جک تشبثادن قطعاً
 امتناع ایله مک لزوم قویسی واردر . بو نقطه یه ده انظار دقت عالیرخی
 جلب ایده رم . بعضاً یک نظرده کوزه چارمایان بر تعهد سنه آتیه نك
 دوش تحملنه یوز بیکلرجه لیرا یوکلته تیر و صکره بو یوکلک آتیلیمه سی
 مقابل اولماز .

مالیه ناظری

محمم جباری

